


成案質疑


受贓三  
詐偽一



卷二十三  
二十四之一

六十七

內閣文庫	
番號	漢 9248
冊數	75 ( 67 )
函號	296 100





家人求索

失察親子求索

雍正八年 月吏部議覆大興縣民楊明卿呈告恒泰一案查恒泰同伊父董格派作駱駝鞍屨監督隨帶楊明卿回伊父說了議令交麻每麻一萬斤要銀十兩董格聽信伊子之言批令楊明卿交麻又未將伊子要銀之處查出不合查定例官員約束不嚴者降一級調用等語應將戶部員外郎董格照例降一級調用可也奉

旨依議





因公科斂

收侵蒲包銀入已

康熙二十七年十一月刑部覆署江督王新命題吳江縣革職知縣趙琳因春辦白糧需用蒲包婪扣蒲包銀四十兩入已查趙琳係先將庫銀一百六十兩給發衙役買包應用後衙役止用銀一百二十兩趙琳仍向里民比還銀一百六十兩將一百二十兩還庫餘銀四十兩婪收入已不便照受財律擬罪趙琳合依監守自盜倉庫錢糧四十兩斬刺字係雜犯准徒五年至配所折責四十板係官免刺字永不敘用奉

旨依議



貪劣不職

康熙二十二年七月刑部看得信陽州革職知州葉 貪婪一案據  
豫撫王 具題查葉 借供兵名色科派銀四百餘兩止收銀一百  
九十五兩如果當日給還百姓葉 何不召集里民當堂給發取領  
存案乃委書吏任其侵蝕致該撫以真貪極酷糾叅而本官巧供不  
知明係發覺之後分卸衙役與原叅背謬之甚葉 指稱赴省公幹  
科斂各里盤費銀六十兩口供鑿鑿此項盤費俱係葉 自用何得  
派之里民五日一限比收其官役往返食用之銀亦應與葉 入已  
銀二十兩併贓論罪今止坐科斂二十兩而費用之四十兩混入坐  
贓不議之內為葉 開卸殊屬不合其貪用每里騾三頭雖與私借  
部民馬騾之律相似但每頭折收雇價銀三兩至逼死里民蕭瑟真  
顯有勒索酷虐情形竟以坐贓不議亦未允協至原叅私派各鎮料



豆四百石將額設官銀盡扣肥囊今止以每石扣尅一錢二分卸罪  
衙役希圖自免且詐騙孫昭一欵尚未取本人確供難成信案種種  
不符不便遽議應再行嚴加親審確擬具題再議奉  
旨依議

因公科歛人已

康熙四十三年八月刑部看得福督金 將長興縣革職知縣曹  
等擬以流徒杖罪具題除曹 擅派銀兩修倉等輕罪不議外合依  
有司官因公擅自科歛所屬財物入已者計贓以枉法論二十兩律  
杖六十徒一年貪官永不敘用冊總劉大魁依因公擅自科歛財物  
入已者計贓以枉法論四十五兩律杖一百流三千里無祿人減一  
等徒三年衙役金相依衙門蠹役索詐十兩以上者并妻子安插奉  
天地方居住例應僉妻子安插奉天地方居住葉卿錢魁俱合依在  
官人役取受有事人財物以枉法計贓至五兩杖八十無祿人減一  
等律杖七十孫肅依指稱衙門打點誣騙財物計贓准竊盜論免刺  
一兩以下律杖六十但孫肅並非衙役且事在  
赦前應免罪銀錢入官奉



指公科派

雍正八年 月刑部議覆河督田 疏稱濟源縣病故知縣湯權于  
額設馬夫之外又募夫七名額設轎夫之外又募夫六名派令里下  
幫貼馬夫工食銀共八十兩轎夫工食銀共一百五十六兩又因額  
設禁卒八名斗級四名每年係里民充應嗣因里民不愿充役議派  
幫貼禁卒工食銀共四十八兩斗級工食銀共二十四兩又派里下  
壯丁十六名看守城門遞年更換里民不愿更換應派幫貼壯丁工  
食銀兩通共派銀四百三十六兩各夫役認定里名于夏秋二季自  
取分用湯權雖未派取入已而指公科派業已自認湯權合依因公  
科歛雖不入已贓重者坐贓論四百兩杖九十徒二年半律徒二年  
半已經病故應毋庸議所派銀兩照犯人身死弗征律免追不行稟  
阻之經承閻沛生等俱合依不應重律杖八十等因具題湯權已經



病故所派銀兩照律免追關沛生孫吉昌各照杖折責奉  
旨依議

知縣藉稱公費加收火耗科派銀兩

雍正五年八月刑部會議覆饒平縣叅革知縣魏沅貪婪不職一案  
據署廣督阿 疏稱原叅首款魏沅徵收錢糧每兩加耗至二錢六  
七分每年約得銀三千餘兩審據魏沅供我從前並無加收火耗自  
雍正二年因見城垣倒壞以及修理炮臺營房等項公費浩繁捐修  
無力隨于徵收錢糧每兩加耗銀一錢九分雍正二年分共徵收過  
一萬四千五百六十兩零計得耗銀二千七百六十六兩五錢零又  
于雍正三年徵收過錢糧一萬一千七百三十二兩五錢零計得耗  
銀二千二百二十九兩一錢零兩年共得耗銀四千九百九十五兩  
七錢零自認入已質之戶書巫星木等里民張光謹等供亦相同二  
款魏沅徵收糧米每石加耗米五斗又私冷每石折收錢二千一百  
文定價每石折色七錢令加至一兩九錢每年約得銀六千餘兩審



據魏沅供自雍正二年因倉廩倒塌無力捐修每石米加耗一斗六升雍正二年分共徵收過米三千二百七十三石六斗三升零計得耗米五百二十三石七斗八升一合雍正三年分徵收過米一千一百五石五斗一升零計收耗米一百七十六石八斗零又于雍正三年分徵收過還倉穀二千一百四十三石八斗零折算正米一千七十一石九斗一升零計收耗米一百七十一石五斗零兩年共計耗米八百七十二石一斗六升九合每石照部價七錢折算共計得銀六百一十兩零又雍正三年分折價解省米一千零九十六石二年內止徵過折價米五百四十八石一斗每石收銀一兩二錢除正價七錢外每石加收銀五錢共計加收銀二百七十四兩零又將倉穀糶出一千九十六石二斗湊解省米後徵補還倉因遠鄉納戶挑運維艱照時價每穀一石折錢九百五十文將錢發往附近買補還倉

每石除正價八百七十五文共計餘錢八十二千二百一十五文換銀九十兩四錢三分六厘零直認入已訊之倉書陸子與庫吏林雅士里民張光謹等供亦相同三款魏沅指稱修理監牆名色科派各社銀六十四十二兩不等饒邑七十餘社約派銀二千餘兩審據魏沅供雍正三年七月雨水連綿監牆倒塌因向來監外圍牆俱係四門社戶捐修監內之牆係小榕社捐修隨令四門社戶各捐銀四十兩小榕社捐銀一十四兩修整並無派及七十餘社約銀二千餘兩等語質之工房林月侯社保錢勳士等供吐如一四款魏沅銷賣引鹽一丁每季派領鹽三斤每斤勒價銀七厘饒邑約共三十餘萬丁每年勒派鹽三四萬石除額引外盡是賣私入已審據魏沅供雍正二年秋季無人充商着落地方官運銷完餉因饒邑係產鹽地方民間不肯買食官鹽于雍正三年正月徧查饒邑土民共有九萬八



千餘丁俱令買食官鹽並無按丁派食勒價扣剋入已情事計雍正三年共拆運過鹽一百一十七萬五千斤每斤賣價五厘七厘不等共賣益價六千零八十六兩除餉費鹽價運腳等項共用過銀五千八百三十三兩五錢四分三厘剩銀二百五十二兩四錢五分七厘魏沅直認入已質之管鹽經承黃高客等供認相符五款魏沅因生員吳清秀姦處祝妻黃氏廖祝控縣吳清秀餽銀二百四十兩班頭林子藩過付魏沅復諭另給廖祝銀兩利息不究審據魏沅供當日據控姦情無據因吳清秀擅入廖祝內室計銀議罰清秀銀二十四兩係清秀親繳並非林子藩過付等語質之吳清秀供亦脗合六款魏沅因施輝宗姦吳阿科妻阿科寫詞徃告保正林蕃士稟縣魏沅勒施輝宗銀二百兩林子衛收繳審據魏沅供當日拘審吳阿科願告姦情並無確據因施輝宗酒後入吳阿科內室議罰銀二百兩後

止據許凝老卽許聯元代繳銀一百二十五兩並非林子衛收繳等語究訊許凝老供認實止繳銀一百二十五兩其餘各人分用許凝老得銀三十五兩林蕃士得銀一十五兩巫佳木得銀一十兩餘銀十五兩施輝宗收回五兩交吳阿科銀十兩等語質之林蕃士等供認相同七款魏沅因武生許阿美調姦鄧亞文妻胡氏亞文控縣許阿美餽銀二百四十兩審作催租角口胡氏羞忿自縊身死審據魏沅供康熙六十一年九月內有鄧亞文控告許阿美調姦伊妻胡氏拘審因許阿美到鄧亞文家催租與伊妻胡氏角口調姦情事並無確據罰許阿美銀二百四十兩是實等語復訊過付之差役邱瑞星林子藩併被勒之許阿美供無異詞胡氏于十一月身死並未報縣八款魏沅因民人張烈芳祭掃祖墳帶有食鹽縣差林全等勒索不遂商同蠹書黃高客硬將多鹽作為販私拿獲稟縣魏沅勒詐銀一



百五十兩黃高客林全另勒銀四十五兩審據魏沅供康熙六十一年十一月內差役林全等拿獲張烈芳私盜到縣審據直認隨罰張烈芳銀一百五十兩是實等語林全郎林子蕃得銀十五兩陳菜子得銀十兩吳阿麪得銀五兩林蕃士得銀十五兩各自行招認質之張烈芳供認相符九款總保林蕃士欲強姦伊服傭伊傭不從街鄰張麟閣勸諫林蕃士反控告張麟閣強姦伊嫂魏沅勒詐張麟閣銀一百六十兩審據魏沅供雍正元年正月內林蕃士控張麟閣強姦伊嫂尚未拘訊卽據林蕃士繳銀一百二十兩稱係張麟閣服罪願繳當卽收受並無一百六十兩等語詰訊林蕃士供認相符以上各款反覆究詰實無遁情將魏沅等擬以絞杖等因具題除魏沅失察衙役犯贓等輕罪及勒罰許阿美張烈芳張麟閣等銀兩俱事在雍正元年二月二十日

恩赦以前不議外其

赦後加收火耗及因事濫罰收銀入已魏沅合依有司官吏非奉上司明文因公擅自科歛所屬財物入已者計贓以枉法論八十兩絞律擬絞監候秋後處決該督既稱不行稟阻之戶房經承盧何鳳倉房經承陸子輿陳隨庫房經承林雅士工房經承林月侯管鹽經承黃高客龔司均合依不應重律杖八十遇熱審減一等杖七十各折責二十五板仍俱革役戶房經承巫佳木受施輝宗銀十兩合依在官人役取受有事人財計贓以枉法論十兩杖九十無祿人減一等律杖八十遇熱審減一等杖七十折責二十五板革役總保林蕃士受張烈芳銀十五兩及誣捏張麟閣強姦伊嫂俱事在

赦前不議外其所受施輝宗銀十五兩係在

赦後林蕃士合依在官人役取受有事人財計贓以枉法論十五兩杖一



百無祿人減一等律杖九十遇熱審減一等杖八十折責三十板革  
去總保許凝老卽許聯元受施輝宗銀三十五兩合依詐欺官司取  
財計賍往竊盜論免刺竊盜賍三十兩杖九十律杖九十遇熱審減  
一等杖八十折責三十板免刺吳阿科受施輝宗銀十兩合依詐欺  
官私取財計賍往竊盜論免刺竊盜賍杖七十律杖七十遇熱審減  
一等杖六十折責二十板免刺廖祝所告姦情並無實據施輝宗酒  
後撞入吳阿科家廖祝施輝宗均合依不應重律杖八十遇熱審減  
一等杖七十各折責二十五板差役林子蕃卽林全受張烈芳銀十  
五兩陳菜子受張烈芳銀十兩吳阿甦受張烈芳銀五兩邱瑞星過  
付許阿美罰銀俱事在

赦前均邀免議仍革役俱照例先後發落被勒之許阿美等概行省釋均  
無庸議魏沅所得賍銀共七千五十六兩二錢四厘與巫佳木林蕃

士許凝老吳阿科林子蕃陳菜子吳阿甦所得賍銀俱向伊等名下  
照追入官奉

旨魏沅依擬應絞着監候秋後處決餘依議



知縣重戥收銀虧空錢糧

雍正七年三月刑部會看得叅革潮州府惠來縣知縣王人傑貪賍虧空一案據廣督孔 疏稱原叅王人傑征收雍正四年分錢糧每銀一兩給串票八錢三分又每兩折完錢一千文價值銀一兩二錢零每兩戥頭係加二收據王人傑供因雍正四年公務浩繁無力措辦開征諭令里排收頭王建祖等每銀一兩填給串票八錢三分其折收銅錢因兵餉緊急聽從民便銀錢並收每錢一千給串票一兩彼時錢價值銀一兩二錢四厘零自二月十三日開征起至八月十一日止共征收地丁錢糧三千三百四十兩零八錢三分零內折收銅錢一千三百八十八千九百文合算共加收戥頭銀六百六十三兩七錢九分五厘零除照常加一外計加收戥頭銀三百三十九兩七錢零入已質之戶書唐祥及收頭之里排王建祖等各供相同又



王人傑虧空倉穀二千八百石據王人傑供自雍正二年到任接受  
縣事廣州府通判呂成章任內紳衿排年借領穀三百六十一石九  
斗零前任知縣徐坦交下自康熙五十五年至雍正元年民欠本米  
賠穀六百三十五石四斗零又自那移墊解雍正二年民欠兵米穀  
三百六十九石六斗雍正三年民欠兵米穀七百八十四石九斗零  
均經紳衿排年方繳等在縣各認欠項又前署縣事潮州府同知張  
瑗交下前任總督滿保發買補倉穀價除陸續買補外尚未買穀六  
百四十八石零貯價銀二百五十八兩因兵餉緊急那支湊解後卽  
征還貯庫並非侵欺等語合之倉書林高所供無異又王人傑因雍  
正四年四月初三日神泉港有賊欲駕漁船出口被守船許宗富喝  
散至十六日始行差拏連累多人俱經勒索釋放及供出窩賊火藥  
兵器之武舉方首拔得銀一百八十兩不究又向許宗富勒銀一百

二十兩據王人傑供雍正四年四月十九日據神泉司巡檢丁大成  
詳報十七夜有賊携械在神泉港奪船出口鄉民許宗富等追逐獲  
有火藥炮械時因盜黨逃散訪緝無踪知方振平曾犯竊案差令查  
訪據方振平開報吳振東等七人差拘到案暫行羈禁追獲實盜許  
亞丁許亞士供開同黨姓名並無吳振東等七人在內且稱係方振  
平爲首始知方振平前報盡係誣陷將吳振東等七人釋放並無勒  
索情弊至火藥炮械據各盜供稱係曾亞仁置備許亞順催艇裝載  
交方亞來埋藏沙壩四月十七日夜各盜運往神泉港奪船被獲並  
無供及方首拔窩藏軍器火藥之事從何得銀不究等語至許宗富  
因係行船喊賊驚散盜黨許亞丁許亞士懷恨誣扳火藥炮械係在  
許宗富書房搬出王人傑隨差拘押後經訊明仇扳保釋有坐廠之  
劉龍章勒令許宗富送銀一百二十兩許宗富那借銀六十六兩交



劉龍章接收劉龍章自得四十二兩將二十四兩繳與王人傑稱係許宗富感激酌謝今劉龍章未獲而王人傑已供認不諱差役王捷胡和陳雄吳貴吳隆許源方恩莊友林和各得許宗富轎價銀三錢又共得差禮銀十兩嚴訊欵犯証佐供無異詞又王人傑因朱君獻媳婦吳氏自縊勒銀一百二十兩劉龍章蔡錫匠經手訊緣朱君獻寡媳吳氏母故奔喪離家日久前將錢物錯放誤疑夫兄朱士穆偷竊後自尋獲朱士穆斥其誣竊吳氏遂觸夫死母亾之痛投繯自盡王人傑以朱君獻不恤寡婦押保朱士穆見父年老拖累藉蔡錫匠指引同免王崑進署懇求銷釋王人傑遂罰朱君獻銀一百兩差役押繳並非劉龍章經手王崑蔡錫匠未據弋獲質之差役方期林揚及收銀之家人王二與王人傑等各供照合又王人傑因鍾毓廷被盜仇噬勒銀一百二十兩兵房鄭利過付據王人傑供雍正四年四

月十六日陳玉山家被竊獲犯黃亞三送究供出鍾毓廷係同黨警將鍾毓廷羈禁後據紳民里隣人等公保隨嚴訊黃亞三始吐仇板卽將鍾毓廷釋放並無勒銀等語訊據鍾毓廷供稱王人傑並未得銀惟兵書鄭利得銀六兩差役陳茂方榮各得差禮銀三兩訊據鄭利等供認不諱又林曰廷爲假人命被勒銀五十兩兵房鄭利過付據王人傑供雍正四年三月二十二日老民林啟正誣告許亞佑將伊男林敦紀致死隨訪林曰廷與林啟正同居疑其主唆罰銀五十兩發修營房等語質訊林曰廷供稱被勒銀五十兩又鄭利另得銀五兩訊之鄭利供亦相同又生員胡香送子賭博同賭方肇興方亞魁等被勒銀一百二十兩兵房鄭利過付據王人傑供雍正四年六月內胡香稟送伊子胡亞壯賭博供開方肇興方亞魁等同賭隨將各犯責四十板又欲接律究擬伊等情願各罰銀十二兩修理炮臺



尚未繳銀胡香復向府控批回再審旋被糾參摘印並無收繳案亦未結等語訊之方肇興等供吐如一又翁隆舉爲賭錢被勒銀三十兩鄭利過付據王人傑供雍正五年十一月二十六日翁隆舉同方亞鎮唐亞恭在伊舖內賭錢唐亞恭之父唐興祥稟究當將翁隆舉等分別責懲因翁隆舉係窩賭之犯罰銀三十兩修理管房翁隆舉止繳銀一十二兩等語訊之翁隆舉供同一轍又林官捷與該縣家人王二爭娼吳氏詐追林官捷銀三十兩林官捷交銀一十五兩尚欠銀十五兩現尚鎖比據王人傑供雍正四年四月內米貴民饑慮有偷竊遇夜着家人督同衙役巡查十四日夜衙役蕭明等拿有娼婦吳氏黃氏及宿娼之林官捷等到案供出窩娼吳伯題原要責處因設法賑饑隨罰林官捷銀三十兩止繳銀一十五兩尚欠銀一十五兩故此押追等語被勒林官捷雖經病故而王人傑供稱不爽又吳

伯題窩娼吳氏黃氏得銀二百兩據王人傑供因勸吳伯題捐穀不從適拿獲娼婦吳氏黃氏供出伊係窩主罰伊銀二百兩後據吳伯題辦繳潮銀二百一十五兩煮賑等語訊之吳伯題供詞確鑿以上各款反覆嚴鞫委無遁情將王人傑等擬以絞杖具題除差役林和誣告人命之林啟正庫役張泗賭犯胡亞壯均於未經提審之先在家病故經承盧經未經取供在監病故宿娼之林官捷在外病故并王人傑徼私接受交盤捏報全完那移倉穀失察衙役犯贓各輕罪不議外應如該撫所題王人傑合依因公科斂所屬財物入己者計贓以枉法論八十兩絞監候律擬絞監候秋後處決其加收糧銀戥頭及收受許宗富勒罰朱君獻等贓銀共七百九十七兩七錢零照追入官其虧空倉穀除現貯穀價銀一百五十八兩零應買補倉穀六百四十八石零照數買補如穀價不敷仍向王人傑名下追賠其



接受前任民欠借領并自行那墊共虧空穀二千一百五十一石九斗零照例先行動支正項錢糧買穀一面向王人傑名下勒限一年嚴追還項該撫既稱不行稟阻之倉書林高戶書唐祥均照不應重律杖八十各折責三十板兵書鄭利所得鍾毓廷銀六兩林日廷銀五兩應照枉法贓十五兩杖一百無祿人減一等律杖九十折責三十五板差役胡和等各得許宗富贖銀三錢又共得差禮銀一十兩差後方榮等各得鍾毓廷銀三兩均應照枉法贓一兩至五兩杖八十無祿人減一等律杖七十責二十五板均草役家人王二查夜爭娼亦應照不應重律杖八十折責三十板窩藏娼婦之黃氏及娼婦吳氏均照將娼婦窩藏在家例不准折贖各折責四十板吳氏遞回原籍均照例先行發落均毋庸議鄭利等所得贓銀均照追入官該撫又稱誣良之方振平許亞丁許亞士已於搶奪漁船出口案內擬

流准部駁回應於彼案審明完結應俟彼案審明從重歸結再該撫既稱吳伯題知黃氏容隱吳氏在家不行稟送亦屬不應已經被勒罰銀亦毋庸議賭犯方亞魁方肇興等已經王人傑責懲均在未准定例之前應免再究紙牌賭具已經銷燬無憑起追均毋庸議方亞魁所贏之錢及抽得頭錢均照追入官脫逃過付劉龍章王崑蔡錫匠方恩莊友吳隆許源吳貴嚴緝獲日另結查定例官員地方有犯賭博者該管官罰俸一個月又定例地方官不拿娼婦者罰俸一年又定例官員將人犯並不取供監斃一人者罰俸六個月等語除知縣王人傑已經本案革職擬絞署惠來縣白日宣已經病故均毋庸議外應將失察賭博之惠來縣典史吳紹祖罰俸一個月查吳紹祖又失察窩娼再罰俸一年又未經取供監斃經承盧經再罰俸六個月至王人傑那移穀石從前該管知府並不詳查捏報全完殊屬徇



隱查定例州縣虧空錢糧從前知府果有扶同徇隱情弊別經發覺者將知府奏革其虧空錢糧令知府獨賠又定例徇隱獨賠之項將本犯勒限一年變補如限內不完盡數着落知府勒限一年賠完等語除潮州府降調知府李謙自行查出揭叅相應免議外應將徇隱捏結之原任潮州府丁憂知府張自謙本府通判吳安泰照例革職查吳安泰已經別案革職其革職之處仍行計冊其那移穀石先在王人傑名下勒限一年照數變補如限內不完仍着落張自謙吳安泰名下賠補奉

旨依議

征收屯糧青役私收飯食等銀

乾隆元年八月刑部會看得叅革新安衛守備王之銳征收私派一案據安撫趙 疏稱原叅王之銳任聽馬宗俊等每征銀一兩得屯戶飯食銀二分一欵緣王之銳臨屯征收各納戶分認衛書每人每日飯食二分三年共計銀六十三兩并共多得票銀一十三兩二錢八分零亦據訊明各屯戶無異又正耗外每兩多收銀一二分不等一欵緣屯丁銀攤入田畝典田民戶遂疑加耗訛傳並無多收情事又王之銳臨屯收受紳衿餽送折銀六錢八分不等一欵緣武童金維城等借馬考箭送銀不受換送食物並無收受紳衿餽送情事又王之銳僉丁貼運任聽經承程國清每畝索銀一二分不等一欵緣新僉運丁蕭全明等浼程國清查造田冊每畝給銀一分二厘以酬紙張等費共銀九兩六錢是實以上各欵實據官犯供認不諱將王



之鏡照溺職例革職恭遇

恩詔應請寬免聽候部議收書馬宗俊程國清等糧差江彩等均擬杖援免等因具題查該撫既稱王之銳雖無入已之賦但每年征糧書差馬宗俊等得受屯戶飯食銀兩併馬宗俊多收票銀及程國清得受運丁查造冊冊銀兩王之銳毫無覺察殊屬溺職王之銳除受金維城餽送食物輕罪不議外應照溺職例革職仍欽遵雍正十三年

恩詔入於寬免之內聽候部議等語應如該撫所請王之銳准其入於寬免之內該督既稱收書馬宗俊得受屯戶二年飯食銀二兩八錢多得票銀十三兩二錢零合依因公科斂財物入已者計贓以枉法論十五兩律杖一百無祿人減一等杖九十程國清收受運丁蕭金明等查造冊冊銀九兩六錢陳國元李世恩陳一桂吳學賢各得屯戶三年飯食銀四兩二錢均合依因公科斂財物入已者計贓以枉法

論一兩至五兩律杖八十無祿人減一等杖七十糧差江彩王炳夏柴江成王相汪順孫時程士朱貴王有各得屯戶飯食銀四兩二錢均合依枉法贓論一兩至五兩律杖八十無祿人減一等杖七十但馬宗俊等事犯在

赦前相應援免仍俱革役所得贓銀照追入官等語應如該撫所題完結

奉  
旨依議



指修城垣科派里民

雍正十二年二月刑部會議覆崖州叅革知州嚴鈺因病昏憤縱容家人加耗婪贓一案據廣督鄂疏稱原叅嚴鈺征收雍正八年錢糧縱容家人任入私置重戥每兩多收銀六七分不等訊據嚴鈺供雍正八年二月開征起至四月二十八日止征糧加耗悉遵定例並無多收因四月二十九日以後染患黎瘴臥床不能親身經理事由任入操持有無私置重戥及加收耗銀並不知情訊據經承蕭亮供稱自四月二十九日至十月二十五日止共收過錢糧銀一千三百零八兩一錢零六厘均係任入秤收每完錢糧銀一兩除應加火耗外實多收銀五分九厘計共多收銀七十七兩一錢七分八厘零等語合之里民尹商哲等各供相符嚴鈺雖無容縱入已而失察家人加收屬實又原叅嚴鈺因容民王顯士構爭榔園將王顯士勒銀二



百一十七兩經訪查覺始坦詳行賄將銀二百零二兩詳解及行提  
又將家人任八衙役林璋藏匿訊據嚴鈺供稱雍正八年王顯士與  
王元長在府告爭柳園批州查報差役陳隆等拘喚未到五月病中  
家人任八稱說王顯士洩陳隆陳陞何英等送銀二百零二兩求斷  
柳園恐涉聲名遂將銀兩詳解實因患病悞聽任八之言妄詳行賄  
迨後奉叅始知任八指官嚇騙其林璋原係脫逃並非藏匿等語茲  
訊陳陞供稱將二百零二兩繳與任八收受尙銀一十五兩與何英  
各得銀六兩陳隆得銀三兩經府審追給還等語嚴鈺雖無使令嚇  
勒然漫無覺察又復聽從妄詳咎實難辭又原叅嚴鈺因客王光如  
爲構爭柳園案內有名縱容家人任八勒銀八兩差役陳隆勒銀五  
兩訊據嚴鈺供稱家人任八及差役陳隆勒索王光如銀兩實不知  
情等語據土光如供稱因王元長等互爭柳園案內牽連有名陳

隆拘到州被任八勒銀八兩始得釋放差役陳隆亦索銀五兩等  
語查各供相符嚴鈺失察亦屬非虛又原叅嚴鈺征收雍正八年分  
糧米淋尖加耗每石加至三四斗不等訊據嚴鈺供稱雍正八年分  
糧米六月始行開征時因抱病原係任八李文先後經收實屬不知  
等語質之李文供認每石加耗三斗任八經手收過糧米四百九十  
七石二斗五升四合加收耗米一百四十九石一斗七升六合二勺  
伊自經手收過糧米一百七十六石七斗四升六合收耗米五十三  
石零二升三合八勺均屬贖主私賣人已等語查與里排黎君瑞等  
所供加耗數目無異嚴鈺失察已無可辨又原叅嚴鈺藉修城名色  
聽信家人科派里民銀一錢二分一錢八分不等訊據嚴鈺供稱雍  
正六年七八兩月颶風久雨城垣坍塌時因病篤聽任八之言傳喚  
鄉約攤派里民出銀興修等語查鄉約王日昌等據供因任八傳喚



公議派修共派收銀一百八十六兩俱經伊等發給修城匠役支用並無繳與嚴鈺等語嚴鈺雖賍無入已而因公科斂罪應律擬又原叅嚴鈺于州屬各村征收黎糧聽信家人加收餘銀八十餘兩訊據嚴鈺供稱崖州額征黎銀六百四十七兩一錢二分內缺額無征銀一百七十六兩一錢八分三厘原係詳明設法墊補因雍正八年五月患病任入朦蔽借缺額名色加收銀七十四兩侵收入已被叅始知等語質之總吏李茂相供亦相符嚴鈺失察之咎亦屬難辭又原叅嚴鈺雍正八年六月內據鄉約謝汝功等一面之詞並不查明輒以商民王龍士等鳴鑼罷市通詳隨據各商投到候審行提謝汝功等延至四月抗不批解訊據嚴鈺供稱因崖州稅契缺額歷係官賄雍正八年稽查典買榔園契紙令其投稅湊解客人不遵迨五月間正在病中家人任入手持鄉約謝汝功等稟單稱係客人王龍士等

不遵投稅鳴鑼罷市一時輕信通詳嗣奉行提謝汝功等赴審實因拘喚不齊以致不曾批解並非抗延等語質之差役蘓成等亦供王龍士等並無鳴鑼罷市情事而蘓成復認索過王倫錢九百文王成認與周岱共索過王龍士銀五兩七錢不諱合之謝汝功所供係屬任入借名捏稟事屬確鑿嚴鈺濫差滋擾朦混通詳有玷官箴又叅嚴鈺日用柴薪縱容任入派取里排所買物件短少價值毫無約束訊據嚴鈺雖供自到崖州日用柴薪物件俱照時價現銀發買雍正八年五月內因染瘵病不能理事家人任入派取短價實屬不知等語但查據盧元昌供任入派取柴薪未發價錢三十五千文屠戶陳德章亦供任入計共短給肉價錢七千文供吐明確嚴鈺因病昏憤毫無約束亦屬情實以上各款任入雖在逃縊死對質無人然反覆詰訊供吐如一似無推卸情弊嚴鈺除失察家人衙役犯賍及妄詳



鳴鑼罷市各輕罪不議外將嚴鈺等擬以杖笞等因具題除任入畏  
罪自縊身死陳隆取供後在店病故何英黎學劉上金在家病故取  
有印甘各結不議外應如該督所題嚴鈺派令里民捐修城垣共出  
銀一百八十六兩合依有司官吏非奉上司明文因公科斂所屬財  
物不入已者坐贓論各主者通算折半科罪八十兩杖一百律杖一  
百折責四十板定例官員先叅婪贓審無婪贓之處止係因公科斂  
坐贓致罪者除革職外杖等罪折贖俱免等語嚴鈺應照例折贖  
俱免該督既稱家人李文加收耗米五十三石每石賣銀七錢共得  
銀三十七兩一錢一分六厘合依監臨家人於所部內收受財物計  
贓依不枉法論各主者通算折半科罪一兩至十兩杖七十減本官  
罪二等律笞五十折責二十板差役陳陞分受王顯士銀六兩周岱  
王成各得王龍士一兩八錢合依在官人役收受有事人財計贓

以枉法論一兩至五兩杖八十無祿人減一等律杖七十折責二十  
五板革役差役蘊成得受王倫大錢九百文合依在官人役取受有  
事人財計贓以枉法論一兩以下杖七十無祿人減一等律杖六十  
折責二十板革役經承蕭亮總吏李茂相明知任入等加收耗米及  
黎糧銀兩不行稟阻均合依不應重律杖八十折責三十板革役笞  
杖各犯遇熟審照例減等折責發落豁免等語均毋庸議脫逃差役  
林璋獲日另結嚴鈺等各名下贓銀照追分別入官給主奉

旨依議



州縣官擅派上司于告發後揭報審寔者免議

康熙四十一年三月刑部議得咸陽縣革職知縣毛溶貪婪一案據川督華顯審擬徒杖具題前來查毛溶雖供不知情但修理等項係縣官備責何得供稱不知毛溶合依凡有司官吏非奉上司明文因公擅自科歛所屬財物雖不入已贓重者坐贓論五百兩律罪止杖一百徒三年但已于此案革職照例徒杖等罪折贖俱免里長陀伏海得銀五兩合依凡有司官吏人等因公擅自科歛財物入已者計贓以枉法論一兩至五兩無祿人減一等律杖七十趙西川得銀二兩合依凡在官人役收受有事人財計贓以枉法論一兩至五兩無祿人減一等律杖七十革役贓銀照追入官給主查定例內里民告州縣官擅派情由行藩臬兩司親審解督撫審明具題兩司已經審出免其次察處分該道府若能于告發之後據寔揭報審寔亦免其



處分等語今該督既稱兩司已經審出該道府亦經據寔揭報應照  
例均無庸議奉  
旨依議

科欵併贓

康熙十九年四月刑部議覆東撫題費縣革職知縣張士誌聽從兵  
房林祝賢車吏王德遠東房孫永錫買馬應差里下共攢銀六十兩  
祝賢買馬四匹使銀三十六兩餘銀二十四兩張士誌入已又發銀  
十兩里長趙克振置買狐皮而克振科索十社銀二十兩內用銀十  
兩置買狐皮并原發之銀繳與張士誌收受餘銀十兩快頭鄭浩然  
入已訖張士誌合改依擅自科欵所屬財物入已者計贓以枉法論  
三十兩杖八十徒二年係貪官不准折贖鄭皓然依因事受財者計  
贓科斷枉法贓一十兩杖九十無祿人減一等律杖八十革役林祝  
賢等合依不應重杖

赦前免罪仍革役張士誌等各下贓銀并所買馬四匹變價入官再查張  
士誌置買狐皮得銀十兩該撫並未併贓科斷止擬杖六十徒一年



應將承審各官查議但查定例引律稍有未協免其糾叅改正應免  
議奉

旨依議

科歛贓銀分別徵追


康熙四十一年九月刑部覆廣督石 疏看得廣西太平府左州革  
職知州劉正國私派一案查劉 因康熙三十七年捐修陡河銀二  
十六兩併捐修院署銀十三兩遂派里民銀八十兩實收低潮銀七  
十八兩九錢傾銷紋銀五十九兩一錢零解陡河院署共銀三十九  
兩傾銷解費共銀二兩六錢餘銀十七兩五錢零入已劉 合依凡  
有司官因公擅自科歛所屬財物入已計贓以枉法論一十五兩杖  
一百原派銀八十兩除解修陡河院署共銀三十九兩免追外其餘  
入已不入已贓銀四十一兩在劉 名下照追入官奉

旨依議



因公撥用銀兩免追入官

雍正十二年二月刑部議覆江撫謝 疏稱原叅雋都縣叅革知縣黃濟世借修學名色收受監生贄儀一欸審緣黃濟世共收過銀三百八十一兩修理文廟考棚監屋監牆城垣倉廩塘房餘銀十四兩三錢現存在庫核取管學四文核對相符並無入已又舉陰醫僧道四職收受出結銀兩一欸審緣黃濟世詳報四職之後道紀司謝介龍醫學張國相等各送謝儀俱經家人宋文繳進濟世當俱退還宋文私自收留後經察追傳喚謝介龍等領回并將宋文責逐將黃濟世擬徒審無婪贄免其納贖其修理學官等項用銀三百六十兩零雖屬公事俱係地方官應捐之項應於黃濟世名下照追入官等因具題查該撫既將黃濟世坐贄論罪審無婪贄免其納贖又稱黃濟世所受監生贄儀銀兩已經公用黃濟世並未入已等語查修理學





宮等項既係地方公務如無公項可支黃濟世自應具詳該撫酌撥公項辦理今監生贄見等銀俱非黃濟世例應收受之項乃稱因辦理公務無出收受貯庫陸續支用已屬不合又稱此等費用係地方官應捐之項應照追入官查州縣官辦理公事從無勒令捐賂之例該撫於地方公事平日理應悉心籌畫乃一任州縣自爲設法且將黃濟世始以貪污不職題參繼以審無婪贓免其納贖又以應捐之項照追入官種種矛盾所議殊未允協應令該撫另行妥議具題到日再議奉

旨依議遵行去後今據該撫常 疏稱覆訊黃濟世堅供到任後因見城垣學宮等項坍塌無力捐修又無別項可動適有新捐監生循照舊例餽送贄見禮銀故爾收受以充公用雖未入已但不詳請撥項支修收受所屬陋規實屬不合至陰醫僧道四職謝儀委係家人宋文

私匿隨即追出發還並未收受等語黃濟世仍照前擬因公科斂財物雖不入已坐贓論折半科罪一百兩杖六十徒一年但查例內凡官員有先叅婪贓革職審無婪贓止擬因公科斂坐贓致罪者除革職外其徒杖等罪折贖但免等語黃濟世既經此案革職應免折贖所收贄見等銀除現在庫十四兩三錢應飭入官外其修理學城公務用去銀三百六十六兩七錢俱係因公用去有卷簿併營學回文可憑應行免追前撫臣謝 錯議入官今遵部駁改正餘俱仍照原議等因前來黃濟世合依因公科斂財物雖不入已贓重者坐贓論各主者通算折半科斷一百兩杖六十徒一年律杖六十徒一年但審無婪贓已經革職杖徒等罪照例納贖俱免其不稟阻之經承邱昭著蕭燦南已據前撫謝 審依不應重律各杖八十照例先行折責發落宋文已經責逐贓已追還免其提訊均無庸議其黃濟世收



受監生等銀三百八十一兩內修學宮等項用銀三百六十六兩七錢應免着追現有庫銀十四兩三錢應行入官又稱查因公用去銀兩原無復追之例前撫臣謝 錯議入官遵照部駁改正等語查謝 已經另案革職毋庸議奉

旨依議

里民自行科歛

康熙二十二年六月刑部覆備撫韓世琦疏綏寧縣革職知縣李耀祖因更換里排各里共歛銀一百二十兩置造轎傘等項李耀祖不為禁止安然樂受李耀祖合依凡有司官非上司明文擅自科歛所屬財物雖不入已坐贓論折半科罪六十兩杖八十律杖八十但查例內凡官員有先參婪贓革職者審無婪贓之處止擬坐贓致罪者其徒杖等罪折贖俱免等語李耀祖既經此案革職應免折贖置造轎傘等項銀兩照追入官奉

旨依議



康熙四十年十一月兵部覆川督席爾達疏署岷州衛事右所千總

出票派民

康熙四十年十一月兵部覆川督席爾達疏署岷州衛事右所千總  
楊謙出票派柴炭等物斷難一日姑容請將楊謙革去千總交洮岷  
道重責四十板柳號兩個月等因相應將楊謙照例革職查定例內  
文武官員有犯笞杖徒流罪俱折贖等語今該督既稱楊謙出票派  
民應責四十板柳號兩個月不便照此例議應如該督所題將楊謙  
柳號兩個月責四十板奉

旨依議

刑部定

卷二十一 受贓

二十七

因公科歛



武弁科斂不揭報

康熙十四年正月兵部覆查廣東新會營守備苟期用因修整營房  
旗幟等項令百隊郭堅等科斂各兵餉銀雖不入已定例因公私借  
未入已者降一級調用等語守備苟期用應照此例至順德總兵官  
張偉不將苟期用科斂情由揭報查定例並無定有該管各官不行  
揭報應作何處分之處相應將張偉罰俸九個月奉

旨依議



捐修衙署科派兵銀

康熙三十一年十二月刑部議延綏鎮革職遊擊陳良燦指稱修理衙門得兵糧銀一百四十一兩八錢合依凡管軍官非因公務科斂人財入已者計贓以不在法論折半科罪七十兩杖八十徒二年陳良燦將使令之人充兵食糧查定例武弁若將自己使令之人充入經制兵丁數內食糧該弁降二級調用其兼轄將領罰俸一年將總兵官照此例罰俸一年

科斂兵丁錢糧

康熙二十一年月刑部會看江寧營革職守備王際遇貪酷一案據護江撫吳審擬流杖具題前來查王際遇勒索百總黃閩等銀共三百九兩零布一十六疋俱在康熙二十五年五月初一日

上諭以前無庸議外

上諭以後因預補兵丁勒張雄銀五錢因緝盜未獲勒葉松銀六兩因違悞點卯勒羅吉人張有選等銀一兩五錢因銀匠傾銀遺錯出票勒劉瑞生銀四兩又因家人江晉往江南買辦綢緞科斂衆兵銀三十六兩三錢歷審不諱王二十四兩散餉勒短戩頭科斂衆兵銀三十六兩三錢歷審不諱王際遇合依管軍官科斂軍人錢糧入已者計贓以不在法論五十兩杖一百流三千里律應照例改發遼陽遇熱審減等徒三年至配所折責四十板係貪官永不敘用伊子王應兆得黃閩銀六兩合依凡監



臨官吏家人於所部內求取財物者依不枉法贓一兩至十兩杖七十無祿人減本官罪二等律笞五十但事在康熙二十六年五月初三日

赦前應免罪家人江晉得黃閏等銀兩事在

赦前不議外

赦後江晉每季散餉得眾兵茶酒銀一兩二錢又同劉明高劉會丁林違

應照販私問徒

禁販鹽一次江晉劉明高劉會丁林俱合依不應重律杖八十遇熱

審減等各杖七十折責三十五板字識張復美得羅老人銀三兩合

依凡在官人役取受有事人財以枉法科罪一兩至五兩杖八十無

祿人減一等律杖七十遇熱審減等杖六十折責二十板劉明高等

均應革糧贓各照追分別入官給主逸犯李成文嚴緝獲日另結奉

旨依議

營員考補外委馬糧藉名需索

雍正七年四月刑部議覆原任萬州營遊擊李濤與護理萬州營守備事千總安國治貪劣一案據署廣撫傅 疏稱兵丁文彬頂接管隊李濤得銀十八兩安國治得銀八兩兵丁王國器李志拔頂補馬糧李濤安國治各得銀十四兩馬兵周斌等五人並無過犯李濤勒令辭糧每人各索銀四兩方行准免一欵據李濤供因有管隊陳常馬兵陳能考拔把總其缺出于雍正五年十二月初十日集兵較場考驗人材弓馬將馬兵文彬拔頂管隊步兵王國器李志拔補馬糧後見行署爛壞營中缺乏弓箭諭令書辦陳表傳說要銀修署公用陳表轉囑毛紀往索文彬備得銀錢共十兩陳表毛紀各私用錢一千五十文作銀一兩僅將銀七兩錢一千五十文共成八兩繳收又文彬于正月辦過香燭祭果各物共銀二兩五錢抵數又王國器



備銀十四兩李志拔備銀十二兩俱交陳表繳收餘銀俱限春季領  
 餉繳足至周斌等五人實因弓馬平常諭令學習若再怠玩生疎罰  
 銀三四兩製買銀牌弓箭賞給嫻熟各兵之語以致傳揚索銀四兩  
 風聞揭叅實無繳收等語其所得文彬等銀及抵欠買辦銀共三十  
 六兩五錢雖係發修衙署買弓支用未經入已但係收受並未詳明  
 至原護備千總安國治收受兵丁文彬銀八兩之處據文彬供止繳  
 銀三兩下欠五兩俟春餉繳送後因安國治被叅亦未有繳等語安  
 國治雖未受銀八兩但已得銀三兩入已均難辭咎又李濤發銀採  
 買黃藤鞭杆短價取利一欸據李濤供雍正五年十二月因黃藤鞭  
 杆價賤發銀二百兩着百總毛紀收買毛紀發出銀八十一兩與兵  
 民蔡成功等收買黃藤一萬三千五百斤每百斤價銀六錢並無短  
 少至鞭杆無人承買將存銀一百一十九兩繳回其黃藤尚未有敗

等語詰訊領銀收買黃藤之毛紀供無異詞至黃藤價每百斤此時  
 價短銀一錢但黃藤未收回入已領價兵民已經在府供明難以懸  
 坐又截曠米票散與衆兵約候三四月分每票扣銀六錢一欸據李  
 濤供雍正六年春季米票俱已散給尚剩米票一百七十七張內親  
 丁十五名春季應米票四十五張又坐馬親丁馬共八匹應支折色  
 馬料馬票七十二張因有寶停汛離州遙遠向例折色支領遂將本  
 名六折色馬料分給換存本色米票七十二張內除支喂馬米票一  
 十九張尚存五十三張併親丁米票四十五張共九十八張借與衆  
 兵彼時米價每斗二錢每票載米三斗每張計算六錢限三四五月  
 扣交緣被叅革尚未收繳此外又有把總徐鼎惠領去春季米票一  
 十二張周熊兆春季米票一十二張因伊分陵水折價補項其米票  
 發與蔡成功支領爲修署公用又把總莊安邦應領春季米票一十



二張因正月未經到營將二月分米票照數折銀同三月分米票一併給莊安邦收領惟正月四張未經折給又有因公差往省肇各處兵丁八名共米票二十四張散給之時各兵未回暫時存留後各兵陸續旋營已經按照發領俱有各兵可問等語審據字識楊高李子結與領支之蔡成功供吐昭合李濤將米票多價借與兵丁但銀未繳收應照部價折銀二十兩五錢八分于各兵名下照數追出入官其李濤吞沒莊安邦米票四張折銀八錢四分雖經發給支米修署食用但未經給還亦難辭咎將李濤等擬以杖杖具題查律載枉法贓三十五兩杖九十徒二年半等語李濤收受管隊文彬等銀及抵欠代買香燭與折色米票共銀三十七兩三錢四分不應如該撫所題擬徒二年應將李濤改照因公科斂軍人錢糧入已者計贓以枉法論三十五兩杖九十徒二年半律徒二年半係旂人照例解部折

枷號三十五日鞭九十安國治照求索部內財物强者准枉法論一兩杖八十律杖八十折責三十板李濤安國治均係貪官不准折贖永不叙用安國治照例查明家口押至山東入伍食糧嚴行約束該撫既稱書辦陳表百總毛紀審係本官令其傳說繳銀與常人說事過錢者不同但不行稟阻均照不應重律杖八十各折責三十板已經照例先行折責發落毋庸議陳表毛紀仍革役革糧文彬等既審被勒李子結等審係無干均毋庸議李濤所得贓銀三十七兩三錢四分安國治所得贓銀三兩陳表毛紀各用錢一千五十文併各兵所領黃藤價銀八十一兩借出米票價銀二十兩五錢八分均于各犯名下照追入官奉

旨依議



士弁科斂

康熙四十五年九月刑部等議貴州凱里司土弁楊國興科徵錢糧入已賍銀二百四兩三錢四分合依官吏人等因公科斂計賍一百二十兩律擬絞監候國興之子楊其烈逼死計卯父子二命合依因事威逼人致死一家二命律發邊衛充軍國興之子楊其謨不行稟阻依不應重杖再該督疏稱中樞政者內開土司嚇詐部民銀布恣意侵害者革職土司等性情專以報復仇殺為事楊其烈等不宜仍任原地方仰邀

聖恩將國興從寬免死同楊其烈楊其謨一并僉妻俱發遼陽安插等語查擬絞監候秋後處決之犯並無改發遼陽之例應毋庸議奉旨楊國興照該督所題從寬免死并楊其烈楊其謨及伊妻等安插遼陽地方餘依議



衙役犯贓錯擬科斂

康熙二十二年三月刑部議臨城縣革職知縣雷 指稱運糧盤費  
派各里銀六十兩起解時止給銀三十兩書辦黃三喜張小亭分肥  
餘銀三十兩雷 侵用入已又縱令崔子榮私頂庫書派里下工食  
銀十五兩雷 病故毋庸議該撫將黃三喜張小亭共侵里銀三十  
兩崔子榮科斂里下工食銀十五兩照因公科斂律擬罪杖九十查  
定例內衙役索詐十兩以上者并妻子安插奉天地方居住等語黃  
三喜張小亭崔子榮合改依照例并妻子解部安插奉天地方居住  
黃三喜等係安插奉天之罪承審各官擬杖不合應查取職名將該  
撫一併議奉

旨依議



犯贓錯擬二罪俱發

康熙十九年十月刑部看得革職知縣聞一案據廣撫審擬流杖前來查聞借修倉廩得里民袁澄林等銀四十八兩又索取見役黃國彥等柴米銀一十八兩二錢四分書役沈抱友方帙菴經管繳進收受八已聞共八已贓銀六十六兩二錢四分該撫將柴米銀十八兩二錢四分以輕罪不議不合聞改依有司官因公科斂財物入已者計贓以枉法論五十五兩應杖一百流三千里遵照所例並妻流徙尚陽堡至配所折責四十板贓銀入已承問官將八已之贓錯擬二罪俱發從重論應交該部議查定例引律稍有未協免其糾叅改正應免議衙役沈抱友方帙菴擅為經收合依不應重杖革役奉

旨依議



成案質疑

詐偽

詐為制書

惡棍包攬假傳蠲免  
偽造牌檔假旂誑騙

詐傳詔旨

假冒職官詐傳 詔旨  
查拿詐稱奉 旨密訪之人  
職官捏造言語混行傳說招搖多事發寧古塔  
詐傳衙門言語

武林洪印緒舉山甫  
同輯  
繡谷饒 瀚敦夫甫



對制上書詐不以實

虛張密奏

奏摺不封口

偽造印信時憲書等

假印未成比例治罪

雕刻假印

兩案私雕假印

失察偽引

偽造印票私收錢糧

私雕假印蓋用串票誑騙錢糧

雕刻假印用蓋串票私收錢糧

父雕假印收存櫃內子復行用駭騙財物

私雕假印誑騙財物

偽造印信

偽造譯字生印照朋比售賣

雕刻假印並未行使後經他人行用亦未知情原情問徒

描摹印信蓋用執照誑騙財物

翻刻時憲書

出首假印追賞

私造摺匣鑰匙比照偽造夜巡銅牌

私鑄銅錢

私鑄未成

私鑄雖成尙未磨洗販賣亦照例處決

起意私鑄雖人數不多錢文亦少不准作情有可原



私鑄錢文為數不多從寬改擬斬候

私鑄案內免死減等之犯發黑龍江為奴

磨錢之人照為從立絞不知情不入審之雇工杖釋

私鑄磨錢之人依為從擬絞

合夥私鑄受值傭工之人從寬免死

私鑄奸徒不得姑縱帮工愚民應量寬減

私鑄不知情不入審之雇工杖釋

私鑄事發聞拿自首又誣扳平人照誣告律擬罪

私鑄援赦家產非自置免入官

私鑄首犯援赦減流因逃後歸家捏控滋事加重發遣

私鑄砂錢

私鑄無字砂錢其化銅磬邊匠人擬罪舛錯

拿獲私鑄免叅失察

銷燬小制錢

鎔化制錢打造烟斗雖經工人出首不准免減

傾造色銀

常照四成色銀照偽造金銀律

偽造金銀首飾

詐假官

假官互結

假官混出印結

頂冒赴選出結各官檢舉遲延議處

假官冒選

頂冒赴選失察各官處分



頂名赴選已經引見受職即照律治罪

私受劄付不作假官問擬

頂替已故知縣及不將已死之處查出出結降調

知情受假官援赦免罪

知情與假官比照知情受假官律治罪

買頂執照不憑赴任

冒頂官職赴任

將病故官執照得銀轉賣不准援赦免罪

冒稱親伯之子朦混得官

革職之員捏稱舉人起文投供希圖選用

假克巡按

假冒翰林等圖助費回籍

詐冒侍衛驛邊驛遊

無官詐稱有官叩關

假冒州同河工効力希圖補用

冒稱河貴招搖生事

假冒職官招搖生事

假稱官員

假官誣騙得賍滿貫貽累多人不應照光棍為從定擬

假官騙銀

隱匿偽職

查訪漏洩

携回偽員屍柩不報

詐稱內使等官



失察假冒王府替僧

假冒 親王差遣并容留餽送處分

假充番役拷逼平人証認通奸詐取銀兩

潤填印信置造黃旗假充差使冀圖免稅

假冒官差者騙財物

冒充官員家人撞騙銀兩

失察假差

詐病死傷避事

脫逃盜犯病故原案咨部註銷

脫逃後病故應取印結送部

詐教誘人犯法

侵欺夥本逼人自縊棄屍滅跡并書役妄拿教供問官誤擬重罪

成案質疑

武林洪引緒舉山甫

同輯

繡谷饒瀚敦夫甫

詐偽

詐為制書

惡棍包攬假傳蠲免

康熙五十四年二月刑部會看得倚氏縣革職知縣趙吉暹瞻狗里

棍程永世等結黨抗糧一案先據晉撫蘇 疏稱倚氏縣里棍程永

世等包攬康熙四十九年錢糧將銀二十三兩侵收入已至知縣趙

吉暹逼比錢糧永世糾同楊步月等詐捏奉

旨蠲免字樣令謝國選寫帖肆散訛言迫眾人齊赴縣衙逼勒趙吉暹立

出告示又令舊糧改抵新糧該縣允從以致榮河臨晉二縣里棍樊



克成等聞風效尤盡皆不納將程永世常國玉楊步月擬以斬流杖罪分別援

赦具題前來臣部以程永世久慣包納糾常國玉等捏造蠲免字樣令謝國選寫帖肆散訛言迫衆人逼勒知縣趙吉暹立出停征告示又令舊糧改抵以致榮河臨晉兩縣里棍樊克成等扶同相傳將錢糧盡皆不納情屬可惡不便援減至趙吉暹乃係地方官並不嚴拿詳報反行出示停征已征舊糧抵作新糧其中恐有私行征收入已程永世等乘機橫行亦未可定應令該撫另委賢員嚴審確擬具題去後今據該撫疏稱訊據各犯供認前情始終如一至結黨抗糧論法固無可寬然皆無知愚民情有可原知縣有無私征錢糧不特趙吉暹堅不承認卽程永世等亦供並無其事將程永世等仍照原擬具題程永世常國玉楊步月等除包攬他人錢糧輕罪不議外均應照詐

爲制書及增減已施行者不分首從皆斬律擬斬監候囑托花戶抗違不納之里棍王畏樊克成均應照官司差人追徵錢糧納戶抗拒不服者杖八十律各杖八十知縣趙吉暹雖審別無情弊但程永世等率衆橫行卽給停征告示應照當該官司知而聽行各與同罪至死者減一等律杖一百流三千里但伊等事犯在康熙五十三年三月十八日

恩赦以前程永世常國玉楊步月俱免死減等各僉妻流三千里至配所杖一百折責四十板王畏樊克成趙吉暹俱免罪包攬他人田糧之花戶李清

恩赦內不免應照不應重律杖八十折責三十板程永世等名下侵蝕銀二十三兩照數追出以補康熙四十九年民欠正數脫逃之謝國選等嚴緝獲日另結奉



盲依議

偽造牌檔假旂誑騙

康熙五十七年十一月刑部看得韋其禮假旂誑騙李會極之子李  
 二等一案據直督趙 審擬軍罪具題查韋其禮訪知李會極之子  
 李二李五胎養不全如同閹割欲誑騙李二李五進京希圖賣銀遂  
 僞寫清子牌檔假造號箭康熙五十四年正月二十八日到李會極  
 之家混稱旂人訪問李二李五當經李會極等稟縣報部發審歷審  
 情真韋其禮合比照詐為各衙門文書誑騙科欵財物律兇妻發邊  
 衛克軍至配所杖一百折責四十板清字偽牌號箭相應銷燬奉

旨依議



詐傳詔旨

假冒職官詐傳 詔旨

雍正十年四月刑部會看得邯鄲縣民李國輔假冒職官詐傳奉  
旨密查典息一案據署江督尹 疏稱李國輔曾領伊父銀兩至京販賣  
棉花被高輔王珍三誣其捐官將銀兩交段大經代捐守備旋俱逃  
遁無踪李國輔難以歸家于雍正八年五月初八日至江寧縣寓居  
劉侑子店因與上元縣縣丞李恩同鄉假稱進士拜往又欲圖詐典  
商不遂復頭戴藍頂帽假冒浙江試用官員往拜江寧縣知縣吳湘  
臯又詐稱曾經引

見奉

旨密查典息欲行摺奏當經該縣察出詐偽情由通詳飭審歷審不諱將  
李國輔擬斬等因具題李國輔合依詐傳



詔旨律擬斬監候秋後處決該督既稱僱工呂壽張存飯店劉倭子及鄰佑人等俱不知詐騙情由并高輔等誑騙銀兩之處止李國輔一人供詞又無確實住址均應免議等語均毋庸議再該督疏稱上元縣縣丞李恩雖訊無知情容留情事但不察來歷遽與匪類往來甚屬不職相應附叅等語查定例官員聽信親友在任所招謠詐騙者革職等語應將上元縣縣丞李恩照例革職奉旨依議

查拿詐稱奉旨密訪之人

雍正八年五月

上諭據浙江總督李衛奏稱今年春間有原任河工通判張鵬飛來杭稟謁相見問答之際漸露伊有四川鄉親御史嚴瑞龍奉旨差同旗員安姓者前來江南江西順路浙省密訪吏治民風沿海戰船營汛頒給印信隨帶於身今瑞龍安姓已由江浙回去起早前赴六安山矣仍託伊代為留心臣知其妄誕不經即加屏斥等語朕從前即聞張鵬飛潛往蘇州招搖生事已降旨令尹繼善查拿究治今覽李衛所奏是張鵬飛竟敢干謁督撫上憲且捏造全無影響之言不知忌憚其罪更不可追朕即位以來八年之中並無一次差人密訪之事若有查審案件及緝拏奸匪等類亦必給以憑據令其會同地方督撫辦理從無有特差一人既無明旨又不曾同該省大臣而潛踪隱迹不使一人知者乃奸宄



無賴之徒往往捏稱奉旨密訪以為恐嚇愚人之計而不法之僧道等亦或假此以圖利欺人從前屢經敗露矣朕治天下公聽併觀誠心體訪凡民生之休戚吏治之臧否何能欺朕之耳目豈肯假手于此等微末之人以致生事滋擾乎况果係奉旨密訪則不應洩漏于人既已洩漏於人則其人之不密不慎斷難免禍可知其理顯而易見地方官員何得為其所欺誑而不覺悟乎今觀張鵬飛敢於在督撫大臣之前造此無稽之語則外間浮言之多可知而無知官吏人等為其所愚不少矣嗣後凡有指稱奉差密訪者着該地方大小官員即時拘拿或具本題參或申詳該督撫轉奏不得姑容隱匿自干罪戾若有大臣向人自言密奏密訪者着聞言之人即行參奏特諭

職官捏造言語混行傳說招搖多事發盛古塔

雍正九年四月蘇撫尹 題參原任革職河間府通判復還原職張鵬飛為人謊唐語言妄誕不守本分干謁官員逢人索借招搖多事奉

旨張鵬飛着革職發密旨准部咨行據布按二司會審招解前來臣覆加嚴鞫據張鵬飛供稱因與前任河臣孔毓珣前任蘇撫陳時夏均係親戚世誼曾經謁見又聞路人言御史嚴姓同旂員安姓奉

旨差往浙江訪察民風吏治于謁見督臣李衛之時混行傳說因有前任總河臣趙世顯行追銀兩無補曾往清江浦向夏建鼎等借貸因其不允向人誹謗是實等語查張鵬飛往安多事捏造全無影響之言混行傳說應此照抄房捏造言語錄報各處例杖流奉

旨張鵬飛招搖多事甚不安分若流徒內地必致又生事端着發盛古塔



安插該部知道

詐傳衙門言語

康熙四十六年六月刑部議歸德府知府郎鍾一案豫河撫汪灝疏稱一欵郎鍾征收舊稅未完又勒追新稅差役張子真等以親行嚴比詐傳恐嚇以致各牙罷集張子真等合依詐傳四品衙門官言語律各杖一百折責四十板奉

旨依議



對制上書詐不以實

虛張密奏

康熙二十七年八月吏部議陝撫布雅督密題奉

旨該部知道這本不由通政司又無送部揭帖輒行密題不合著嚴察議  
 奏又准兵部覆陝撫布雅督請撥一案符封具題又無揭帖且所給  
 驛站牌內填寫軍務無悞違例虛張具題將布雅督交與部議等因  
 查郎襄康熙二十七年兵餉戶部已經撥足如果不敷楚撫丁思孔  
 自行題明且議政王等會議撥河南省錢糧十萬解送湖北在案應  
 將請撥秦省協餉之處無庸議再查定例督撫若將應密者不密不  
 應密者密題罰俸六個月巡撫布雅督將此撥餉平常之事不由通  
 政司又無送部揭帖且給發驛站牌內填寫軍務無悞虛張密題不  
 合不便照常例議處應將布雅督降一級留任罰俸一年



以實

奏摺不封口

康熙五十四年七月兵部會議得都統阿爾納等奏摺內不行加封一案臣等遵

旨查問據都統阿爾納供稱土司祿潤乾見了

皇上旨意即跟隨我們差去的人一同前來因欲作速奏

聞所以歡喜之間將奏摺遺漏不會加封有何辯處等語其侍郎噶敏圖

與都統阿爾納供同查例內題奏本章應密不密者罰俸六個月等

語今都統阿爾納等奏摺理應謹封具奏乃並不封口應將都統阿

爾納侍郎噶敏圖照此例各罰俸六個月其同具摺之雲督郭璉亦

照此例罰俸六個月紀錄抵銷奉

旨阿爾納噶敏圖各罰俸六個月餘依議

偽造印信時憲書等

假印未成比例治罪

康熙 年 月刑部議覆浙撫李 題查涂世忠販賣私鹽處捕

拏獲買石圖書一塊原刻有糧長字樣即于背面增刻清文假為巡

監御史印信又造木令牌一面委牌一張用印硃標詐稱差員招集

顧士進等出本興販私鹽涂世忠除詐稱官司差遣有所求為及販

賣私鹽輕罪不議外因為造印信未成應照律杖一百流三千里顧

士進聞大王一雖造印假差不知情但同販私鹽合依犯無引私鹽

律杖徒蔡士標雖非伊夥但偽印圖書不行查明即行收寄依不應

重杖涂世忠等事在

赦前免罪私鹽船隻鎗刀變價入官偽印令牌銷燬該地方失察各官亦

事在



赦前亦免議奉

旨依議

雕刻假印

康熙三十九年八月戶部等題書辦周在親陳行雖未雕刻假印但係戶部書辦串通雕刻假印之葉駿聲等將舊案裁改添寫假監姓名將葉駿聲照偽造印信為首擬斬外應將書辦周在親亦照偽造諸衙門印信為首雕刻律擬斬監候書辦陳行照為從者減一等杖流奉

旨葉駿聲周在親俱依擬應斬著監候秋後處決餘依議



兩案私雕假印

康熙五十年十一月刑部會看得准戶部咨送廣撫滿丕題奏王英來等向王我式等買假咨假照騙捐一案夾訊王英來供我于康熙四十五年十一月內劉禮和同我到京給我族兄王階升廣紗六疋算銀三十二兩王階升向王我式買了四張執照填寫盧學秋嚴應隆梁尙舉韓開四人的名字拿往廣東去給了盧學秋等共交劉禮和銀三百九十七兩韓開另給我銀四十兩時有黃萃華也要納監議定給了執照錢兩劉禮和同我到京去尋王階升因尋不着尋着王我式給銀三十兩共買了三套部文五張執照拿到廣東將三張執照一張填寫黃萃華其二張虛寫何琪劉棋韜名字劉禮和帶在身邊尋人頂替將兩套空文填寫盧學秋嚴應隆梁尙舉韓開黃萃華五人名字劉禮和給塘兵何德銀三錢交與他在巡撫衙門投遞





被巡撫查出將劉禮和拿獲執照搜去其餘一角空咨二張空照我害怕俱燒了等語夾訊劉禮和王階升俱與王英來供同夾訊王我式供五十年三月間王階升向我說王英來要買假執照你替我買一買我到楊惠公家去用銀三十二兩買了四張執照給了王階升楊惠公給我銀六兩我與王階升分用五十一年四月內王英來要買假部咨我一同到楊惠公家去楊惠公已故伊弟楊泰來子楊光耀又有陳宇蒼徐德孚俱在楊惠公家王英來給楊泰來等銀兩又買了執照部文給王英來楊泰來等分給我銀三兩是實餘處俱與王英來供同夾訊徐德孚供我原與病故之楊惠公合夥雕刻假印賣些假咨假照楊惠公死後與楊泰來等賣給王我式三套假咨五張假照得銀三十兩我與楊泰來陳宇蒼楊光耀邱君海戚君榮分用從前有戶部陝西司書辦丁茂昭買去部咨八角給銀一百二十

兩亦與泰來等分用又有張蕃拿着劉惟璋名字免我替他代指我應允與丁茂昭商議到張蕃寓所議定銀三百四十兩當日給丁茂昭銀一百五十兩後又付銀七十兩丁茂昭分給我五十兩今搜出假印圖記內有我雕的四顆先因丁茂昭要賣假監着我雕了戶部陝西司的印用了空照一百張賣給丁茂昭又有四川重慶府武生瞿楷要買翰林院四譯館譯字生執照我雕了四譯館的印用了空照二張賣與瞿楷共銀四十二兩我與邱君海戚君榮分用又有毛鑑平因伊親戚靈縣縣監生考職因無該地方官印結問我買時我雕了靈璧縣的印用在空白紙上賣給又有平谷縣監生陳鉞亦因考職要買該地方官印給我雕了平谷縣印用在空紙上賣給共得銀十兩我與楊泰來分用丁茂昭等買去假照印結填的名字我不知道這四顆假印外其餘印信圖記俱係楊惠公楊泰來邱君海



戚君榮刻的假照何人賣去賣銀若干我不知道楊惠公分給我銀一百兩後西城將我拿獲送部前審時我只得將已經送部之印供出今搜出這假印圖記先楊惠公因假印多了恐事敗露埋在地下沒有搜出我亦沒有供出部內只將先搜出來印信牌片燬了將我擬罪監禁是實丁茂昭等脫逃現在何處我不知道等語除劉禮和陳宇蒼吳國璋楊惠公之妻趙氏已經病故不議外查律內若一罪先發已經論決餘罪後發若等勿論等語徐德孚已于西城御史巴叅送雕刻假印案内擬斬援減問流徐德孚兩案所犯相等但印信關係重大徐德孚同楊惠公等前案雕刻假印二十五顆此案四十六顆情罪可惡不便照律免罪徐德孚仍照偽造諸衙門印信為首雕刻律擬斬監候秋後處決不准援減王英來等俱事在赦前應予減免所得賣假照各銀兩追取入官假咨假照應行銷燬奉

旨徐德孚依擬應斬着監候秋後處決餘依議



失察偽引

康熙二十年七月吏部議查陳敬萱於康熙十八十九兩年刷刻各衙門假印偽造鹽引任意販賣該管各官並不查拏不合查未有特  
 定作何處分之處應將署仁和縣事杭州府通判李國維現任運司  
 閔廷謨各降五級調用閔廷謨有加級紀錄抵銷免其降調經撫李  
 本晟將失察假引各官先不題叅經部屬駁始行題叅亦萬不合李  
 本晟應照例罰俸一年奉

旨依議



偽造印票私收錢糧

雍正七年十一月刑部會議覆蘇撫彭 疏稱溧陽縣差役王良佐  
經催馬公運等各戶錢糧輒以腐乾雕成假印印就串票九張以四  
張共填正銀七兩七錢給馬公運收受平銀八兩三錢以四張共填  
正銀八兩五錢給濮王姜運戶濮英等收受平銀九兩二錢五分又  
一張填正銀四錢六分給彭萬運收受平銀五錢六厘戶書史退思  
因向王榮借銀無償又鄰人張誌交銀四錢一分八厘托伊代完錢  
糧史退思即描成印票二張一張令清書莊觀生填寫三錢八分給  
張誌一張自填三兩七錢四分抵與王榮經縣查出通詳歷審不諱  
并令當堂雕刻描摹無異將王良佐等擬以斬軍徒杖具題王良佐  
合依偽造印信止圖誑騙財物為數多律擬斬監候刺字史退思合  
依描摹印信行使誑騙財物犯該徒罪以上者充軍例僉妻發邊衛



所系屬疑  
卷三十四  
書  
永遠充軍至配所責四十板莊觀生合依爲從減一等例徒三年至配所責四十板又疏稱張誌照愚民聽人包納例杖八十年逾七十照律收贖馬公運等免議各名下錢糧已經完納等語均毋庸議王榮名下錢糧應勒令作速交納王良佐史退思各誑騙銀兩照追入官奉旨王良佐依擬應斬着監候秋後處決餘依議

私雕假印蓋用串票誑騙錢糧

雍正七年 月刑部會看得徐三偽造假印串票誑騙錢糧一案據署蘇撫彭 疏稱徐三即徐南華與奉賢縣差役林元之副役沈四素相熟識雍正六年八月二十八日沈四因承追糧戶衆多奔走不及將零星摘單托徐三往鄉代催徐三商同馬福偽造假印串票二十五張共填銀三兩五分五厘付里書蕭瑞蘭分發各戶收錢一千六百三文尚未收完旋被該縣訪拿審認不諱徐三爲首雕刻合依偽造假印誑騙財物錢不及十千者杖流例僉妻流三千里至配所杖一百折責四十板沈四合依爲從減一等例徒三年至配所杖一百折責四十板該撫既稱林元合依擅用白後例杖一百照例先行發落革役假串票銷燬應毋庸議里書蕭瑞蘭聽從徐三分發串票亦屬不合應令該撫將蕭瑞蘭照不應重律杖八十革役



雕刻假印用蓋串票私收錢糧

雍正八年 月吏部議覆福撫劉 疏稱緣閩縣差役吳定先于雍正五年同陳華承催還珠里錢糧私收侵用後被花戶逼取糧票真應遂于雍正六年四月內向鄰人陳天明商議陳天明即用舊票印紙粘貼木板雕刻假印用蓋串票吳定遂同陳華等到鄉私收鄭施鳳等各戶錢糧共銀五兩零四分米共三石九斗零吳定與陳天明陳華丁國用丁上梅分用吳定陳華隨將所分銀米完補侵收還珠里錢糧歷審供情毋異除丁上梅病故不議外將陳天明等擬以流待杖罪等因具題陳天明合依偽造諸衙門印信誑騙財物銀不及十兩為首雕刻者杖一百流三千里至配所責四十板吳定陳華丁國用俱合依為從減等例革役徒三年至配所責四十板各犯侵用銀米倘力不能完即着落從前失察各官賠補不將錢糧自納聽人



包攬之類戶鄭施鳳陳兆仁林克邁等俱照聽人攬納例杖八十鄭施鳳係監生照律納贖仍于鄭施鳳等名下照追包與之數入官又疏稱失察假造印串侵收糧銀係閩縣知縣張琳合將職名開列附叅但張琳已經自行查出理合聲明聽候部議等語查張琳既經自行查出應免議處奉

旨依議

父雕假印收存櫃內子復行用誣騙財物

雍正七年九月刑部會議覆安邱縣民李四曹化圖知情行用假印一案據署東撫費疏稱緣李四之父李兆修在日應克該縣總科刻有磚印藏於櫃中後李四之母病故收拾櫃中衣服檢出磚印於雍正五年三月內李四因錢糧緊急一時無措輒思行用假印取利與經管稅契之經承曹化圖商謀曹化圖即將韓國英邢君辰馬琰三人文契交與李四用印給銀二錢曹化圖自得小制錢七百三十文李四將原契持回用印交還曹化圖曹化圖見印文荒謬模糊不復行用李四亦恐敗露將假印埋藏園內歷審各認不諱為首雕刻之李兆修久經病故不議外查李四曹化圖所騙財物雖為數無多但用假印文契私收稅錢有關錢糧李四曹化圖均照偽造各衙門印信知情行用例各杖一百流三千里等因具題查李四與曹化圖



行用磚印係李四故父李兆修雕刻且李四止得銀二錢曹化圖得小制錢七百三十文爲數無多不應如該撫所題擬流應將李四曹化圖改照偽造各衙門印信誑騙財物無多銀不及十兩錢不及十千爲從及知情行用者杖徒例均徒三年至配所杖一百各折責四十板俟徒限滿日交與該地方官嚴加管束不許出境李四曹化圖所得銀錢照追入官奉

旨依議

私雕假印誑騙財物

雍正十一年二月刑部議覆福撫趙 疏稱吳雪藝學雕刻因家貧無賴扯取舊帖示尾縣印描模雕刻假印遇熟識之樂延干詭云伊有新拜房科師傅現在沙縣將次卸事可以乞恩印契最是便宜託其尋契代稅延干遂將家存舊田契一張價銀五兩出錢八十文交付吳雪蓋印交還鄧達文有舊田契一張價銀七兩亦出錢一百文將契交延干代稅延干轉交與吳雪蓋印鄧達文將契紙持至表兄羅振家中給伊觀看爲羅振窺破假印詰知情由將契紙首官歷審不諱將吳雪擬流樂延干鄧達文擬笞發落等因具題應如該撫所題吳雪合依偽造衙門印信誑騙財物錢不及十千爲首雕刻例僉妻流三千里至配所杖一百責四十板所得賍錢追出入官該撫既稱樂延干鄧達文均合依典買田宅不稅例各笞五十先行發落等



語應毋庸議仍應于樂延干等名下照律各追契內價一半入官餉  
 令另買官契照例填寫投稅假印契紙二張塗銷可也奉  
 旨依議

偽造印信

雍正十三年閏四月刑部會議覆與寧縣民羅雲露等雕用假印誑  
 騙銀錢一案據廣撫楊 疏稱緣羅雲露與盧維英刻字為業合夥  
 開舖因生意清淡日給不敷于雍正十一年十一月二十七日共謀  
 雕刻假印招攬白契蓋用誑騙銀錢二十八日同往趙墟見有該縣  
 印示粘貼牆上是夜剝取印模回舖各自照式雕刻假印一顆至十  
 二月初一日刻成遂各詭稱有伊至戚在縣供應書役可以乞恩減  
 費稅契之語攬契蓋用羅雲露攬得監生黃象文與鍾干喬曾士迪  
 羅熙遠蕭大乾曾乃廷曾東珍等田屋各項契紙并刁起倫假書吳  
 成斐姓名誘令蓋印之田契一張共契一十八張小契紙七張除鍾  
 干喬屋契二張後經鍾干喬取回另投正印外餘俱蓋用假印交回  
 計共得錢三千二百文銀五錢盧維英亦攬用林載文毛勉甫共契



二張共得錢三千零三十文時有王考章陳雲爵窺知羅雲露私用假印騙得銀錢亦各效尤于是年十二月十四日各用銀五錢宛刻字之沈子興各私雕縣印一顆取回收藏王考章隨攬得陳昆猷契紙并刀起倫假書吳成斐姓名誘令蓋印出契一張共契紙八張蓋印計共得錢七百文銀一兩五錢陳雲爵亦攬用劉照張世玉共契七張共得錢一千七百文嗣據刁起倫將誘用印契二張赴嘉應州首繳拘獲各犯起出假印歷審各認不諱查例載偽造諸衙門印信詎騙財物無多銀不及十兩錢不及十千為首者杖一百流三千里為從及知情行用者各減一等又律註內開偽造印信以雕刻之人為首等語除雕刻之沈子興及託付稅契之冒士迪羅熙遠毛勉甫陳昆猷及代黃象文轉交契紙與羅雲露稅印之曾樂諮俱經在家病故不議外將羅雲露盧維英擬流王考章陳雲爵擬徒黃象文林

載文蕭大乾曾乃廷曾東珍劉照張世玉擬杖并聲明黃象文係監生照律折贖林載文身染痲瘋照律收贖蕭大乾等俱經外出貿易俟回日照擬發落等因具題應如該撫所題羅雲露盧維英均合依偽造諸衙門印信詎騙財物銀不及十兩錢不及十千為首者杖流例僉妻沉三千里至配所各折責四十板王考章陳雲爵均合依為從減一等例徒三年至配所各折責四十板俟徒限滿日交與地方官嚴行管束不許出境該撫疏稱黃象文轉託稅印林載文悞聽稅契雖不知情但不行赴縣稅契均應照不應重律擬杖八十查黃象文係監生照例納贖林載文身染痲瘋照律收贖蕭大乾曾乃廷曾東珍劉照張世玉各不自行赴縣稅契致被詎騙亦應照不應重律杖八十但各犯俱于辜未發覺之先已經外出貿易未回應俟回日照擬發落其鍾于喬所稅之契後經取回另稅首報之刁起倫已經



照律給賞吳成斐係刁趙倫假造姓名書契誘令蓋印以憑出首並無此人此產起獲已蓋假印契紙并所刻假印業經銷毀等語均毋庸議黃象文林戴文俱應准贖蕭大乾等候回日發落其羅雲露等所得贓銀贓錢應照數追出入官沈子興等病故印其各結應令該撫作速查取送部再該撫疏稱本案雕刻經前署縣劉烈偉及前州王元樞訪查首出拿獲失察職名應免叅處等語相應免其查議奉旨依議

偽造譯字生印照朋比售賣

雍正 年 月刑部議覆准吏部咨送四譯館少鄉繆 頤叅徐志忠等私造譯字生印照朋比售賣一案徐志忠應照定例偽造部院衙門印信為首雕刻者擬斬立決陶引雖不知假印情由但說事過錢而又受錢合依說事過錢例枉法贓二十兩律杖六十徒一年戴吉雖不知假印情由但違例私買譯生合依違制律杖一百已經自首應照知人欲告而自首律減二等杖八十張四極身為典務任徐志忠將印照誑騙多人漫無覺察例應處分已經休致毋庸議戴泰昌在京候選乃與吏部書辦陶引交結往來殊屬行止有虧已經本察革職毋庸議但又有聽信汪劍金代伊行賄情事應于彼案從重歸結其何徐志忠買譯字生執照之直隸民陳嗣齋等山西民王王等河南民周義等山東民王士義等浙江民王士宗等江南民俞文



龍等應行文各該撫將陳嗣裔等均照違

制律杖一百折責四十板并將伊等假照追出咨部銷燬徐志忠所得銀六十三兩陶弘所得銀二十兩俱着落伊等各名下照追入官奉旨依議

雕刻假印並未行使後經他人行用亦未知情原情開徒

乾隆七年三月刑部會議覆張維周卽張翰私雕假印劉逢信等行用誑騙一案據蘓撫徐將張維周擬以斬候但事犯赦前應援宥劉逢信劉允思依爲從律杖流羅坤姚贊公擬以笞杖等因具題經臣部等衙門查爲造印信非關軍機錢糧假官等弊止圖誑騙財物爲數多者照律擬斬監候爲從杖一百流三千里若爲數無多爲首雕刻者杖一百流三千里爲從及知情行用者減一等等語張維周聽從劉逢信雕刻假印當時未用嗣劉汝臻等借用假印騙銀事隔二十餘年雖爲造印信應以雕刻者爲首而張維周竊未知情行用較之誑騙財物爲數無多者情罪更輕至劉允思劉逢信所騙之銀均不及十兩亦應照例科斷羅坤誑騙姚贊公田價五十七兩併現銀三兩五錢計贓亦非止杖輕重均未允協應令該撫妥擬具題到



日再議等因題駁去後今據該撫疏稱張維周于康熙五十七年聽從劉逢信雕刻假印未曾行用迨至乾隆二年五月內劉允思等向劉逢信借用誑騙姚贊公銀兩張維周並未知情日應各按本罪定擬劉逢信誑銀五兩五錢劉允思誑銀六兩八錢亦應照贓治罪將張維周劉逢信劉允思均改擬杖徒羅坤誑令姚贊公當地尚未交管業其五十七兩係屬虛贓難以計罪應照律擬杖等因具題應如該撫所題張維周合依假造印信誑騙財物無多為首雕刻者造而未行減一等例杖一百徒三年事犯

赦前應予援宥劉逢信劉允思合依知情行用誑騙財物銀不及十兩錢不及十千減為首雕刻一等律各杖一百徒三年劉逢信年逾七十照律收贖劉允思于事未發之前將所得之銀首還減罪二等律杖八十徒二年羅坤誑騙姚贊公銀一十四兩五錢仍依詐欺官私取財計贓准竊盜論免刑姚贊公不自投稅依律笞四十折責發落各犯名下所騙銀兩照追入官在逃之劉汝臻應令該撫緝獲另結應將遵駁改正之縣府已經郵事不及改正之前司等均免其查議奉旨依議



描摹印信蓋用執照誑騙財物

雍正五年六月刑部議覆准步軍提督阿 咨稱有浙江紹興府民  
人謝道先徐有章描用假印誑騙銀錢一案查定例內描摹印信行  
使誑騙財物者僉妻發極邊衛永遠充軍遇

赦不准援免等語謝道先描摹假印執照文憑等項與徐有章等輾轉誑  
騙財物情殊可惡應將謝道先徐有章等均照例各僉妻咨送兵部  
發極邊衛永遠充軍遇

赦不准援免徐尚玉梁聖公雖買假照未經行使但伊等欲行騙人財物  
情弊顯然應將徐尚玉梁聖公減謝道先罪一等杖一百徒三年將  
徐尚玉解送浙江巡撫梁聖公解送蘇州巡撫分別地方充徒至配  
所責四十板俟限滿回籍交與該地方官嚴行管束不許出境倘有  
私自出境及在本處生事者即將該犯擬流遠省其不嚴行管束聽



其出境生事之地方官嚴加議處假照追銷謝道先等各名下所得銀錢照追入官奉

有知道了

翻刻時憲書

乾隆九年二月刑部議覆步軍提督舒 奏送俞在中等私造時憲書一案審據俞在中供我係江南江寧縣人來京刻字生理與周二素相認識商同周二在他家翻刻時憲書得利均分我隨買了一本官板憲書又向與我同刻字的沈大成說南宮有一件生意你幫我去刻字約他到了周二家說明給他工錢同他照買的官憲書式樣刻了大憲書板一副又刻了小憲書板一副書面上所刻甲子年的話是照着地畝經刻的並不是我捏造這地畝經各處俱有賣的我買的官憲書原是七月內假稱回南送人向素日熟識已故潘姓天文生買的翻刻時原是將官本粘貼板上照樣刻的所以還是進愛的官銜又因各省節氣民間不用所以止刻了十二個月的日時並將各省節氣時刻原本當時燒燬了憲書面上的印係我照官憲書



上的印彷彿刻的因模糊不真所以刻得篆文不全刻完後周二僱單三刷印了拿到集上去賣我見沒甚利息隨向周二說你給我幾兩銀子這買賣算你的罷周二只給了我五兩銀子我給了沈大成一百九錢工價就同沈大成上京來了等語訊據周二供我係直隸南宮縣人大憲書每本賣錢十文小憲書每本賣錢四文共賣過八吊錢是實訊據沈大成供我係江南金匱縣人餘處與俞在中供同訊據單三供我係直隸南宮縣人做刷印匠生理周二僱我刷書我得過他三百文工錢是實等語訊據莊大供我係直隸故城縣人十月內我在德州集上向過路的人買了小憲書一本照樣刻了一副板刷印成書交給我兄弟莊二發賣等語訊據莊二供莊大是我同堂哥哥我從前曾買了周二的大憲書五十本已經賣完了後我又用小憲書向不認識賣書的人換了大憲書五十本賣剩了十七本

番役拏我時我因說不出換憲書的姓名來隨說是向周二買的並不知周二的憲書與換來的憲書是翻刻的等語查律載偽造時憲書斬監候爲從及知情行用者減一等語蓋以憲書爲天王正朔敬授人時若有偽造不但干支錯悞節氣不同於民大有不便且其爲不敬莫大于是是以法令至重至于時憲書上有如無本監時憲書印信即同私書之語並未載之于律查欽天監衙門有印二顆一爲欽天監印一爲欽天監時憲書之印凡各府各州有陰陽學典術一官皆統于欽天監前代以來每年頒朔之後各該布政使分發各府翻板刊刻陰陽學典術實司其事刻成印發百萬烟戶故能處處周遍其時憲書印信各縣陰陽學俱有木印不由部頒如無此印則恐校對不精謬妄錯悞故亦嚴加防範謂是即同私書也嗣因陞任太常寺少卿唐綏祖條奏隨將照官板式樣翻刻憲書用黃丹塗飾



印信形狀並無雕刻描模篆文者定有擬流之條是不論其是否偽造憲書止論其會否雕刻欽天監印信分別擬罪矣臣等伏查雍正七年大學士會同禮部議定條例內開欽天監聽匠役自備紙張刷印價賣以便民用各省布政使照例敬謹刊刻發貯公所聽匠役或書坊自備紙張刷印發賣等語雖未聲明各省各府州陰陽學典術之職司然其爲例得翻板刊刻明甚旣得翻板刊刻則其不須本監憲書原印又明甚我

朝休養生息戶口繁衍加于歷代京師爲天下都會聚處旂民難以數計其須用憲書止在欽天監一處刷印固不能敷京師旂民之用至于各省每邑人民不下數十萬戶每府約屬十數邑每省約屬十數府則通省須用憲書之人不下數十萬萬戶其赴布政使衙門刷印之憲書不能敷通省人民之用更不問可知以不能敷用之書又無論

窮鄉僻壤農工商賈人人須用則翻刻售賣勢所不免今若以翻刻爲偽造則各省翻刻者實繁有徒知情行用此戶皆是旣不應獨罪兪在中等數人而斬流等罪不可數計豈屬善政今卽將兪在中等嚴治以罪而翻刻者仍到處不絕行用者仍遍滿天下又豈辟以止辟之義抑更有不便者如果翻刻之人因嚴禁而不敢犯則天下之民必有不得憲書查閱以致耕作日用皆罔知所措者又豈溥天之人咸凜正朔之心又豈

聖主欽若昊天敬授民時之意臣等旣經查明不得不亟請更定爲此詳細縷陳請將陞任太常寺少卿唐綬祖條陳翻刻擬流之例刪除不用如有偽造憲書與本文絕不相同者仍依律科斷其照依官板翻刻售賣者不在此律至于各省陰陽學典術一官因向不經由部選任歸各府批充久已失職且木印亦必久銷其沿革建置職掌不知



者十人而九其可否仍用專司時憲書或竟裁汰此官別議專員典司翻刻令各省俱得通行兩無違碍之處恭請

敕下吏部禮部定議至俞在中一案臣等查明俞在中等所刻憲書其干支節氣並無錯誤惟原任監正進愛官銜仍列首行現任監正雅琦仍開為五官正與官本不同審係進愛未經革職以前向已故潘姓天文生私買官本依樣翻刻並非擅自添改至莊二所賣憲書係向不認識人兌換並非俞在中等翻刻之書其中字畫雖間有舛錯遺漏查其干支節氣亦與官本無異並無添改之處于律均不應問擬而唐綏祖條奏又現在請

旨更正應將俞在中等翻刻販賣憲書之處毋庸議再查步軍提督臣舒赫德原奏內稱莊大家所印小憲書較之大憲書不同且書面皆俗鄙之詞不過賣與鄉愚希圖微利等語臣等查驗莊大所刻小憲書

名為庄農便用小通書訊係向不認識人所買依樣翻刻俞在中所刻小憲書名為萬載迪吉全書俱非憲書其皮面所刻甲子年來起大灾流卽四季苦情懷勸君多種高田地低處休來問卜裁等語訊係照依各處現賣之地畝經摘錄刊刻並非捏造臣等恐係支飾隨令人密至書坊查訪有無地畝經去後當經買得地畝經一本面書庄農必用李淳風地畝經問賣書之人據稱由來已久不知始自何年至今刊刻售賣者甚多其書內按干支花甲分別田禾豐歉及節氣月日干支占驗並非專指本年甲子而言雖非妖書妖言實屬妄誕不經俞在中摘錄之語查與地畝經所載相符但陰陽家因訛襲謬于民生吉凶趨避大有不便業經增修算書館詳加考正

欽定協紀辨方書于乾隆六年頒行在案凡地畝經等類未經考定私書理應禁止今俞在中莊大等將坊刻私書之言摘錄刊刻賣與愚民



圖得微利雖非妄造亦干例禁應將俞在中莊大等俱照違

制律杖一百折責四十板周二聽從貨賣沈大成單三幫同刊刻刷印均照為從律減一等杖九十折責三十五板莊二聽從伊兒莊大指使從寬免議所刻小通書及廸吉全書並翻刻時憲書板片俱行銷毀賣得錢文並刻刷器具追變入官仍通行五城順天府及各省轉飭所屬將地畝經板片及此等私刻占驗推測妄誕不經之書俱行銷毀勿使再行刻制售賣如有不行銷毀及私行刻賣者俱照違

制律治罪謹將地畝經坊本恭呈

御覽奉

旨依議

出首假印追賞

康熙三十五年七月刑部覆江撫宋 題黃顯出首朱如假印一案查律內有能告捕者官給賞銀五十兩朱如等二犯罰銀賞給應令該撫追給奉

旨依議



私造摺匣鑰匙比照偽造夜巡銅牌

雍正六年 月

欽差通政使留保等審題署廣撫革職常賚私製摺匣鑰匙一案查常賚

本一微員蒙

聖恩高厚擢至巡撫凡有人心自當殫竭忠盡以圖報効乃一味瞻徇黨

同欺隱已屬不職且摺匣鑰匙頒自

內庭關係機密緊要既不敬謹收藏致被竊失復敢隱不奏聞私行製造

欺罔不敬更屬可惡除玩忽縱盜侵蝕私羨各輕罪其明謀擠陷雖

訊未承認但所奏皆瑣屑無據之事已蒙

皇上洞鑒均不議外查私造摺匣鑰匙律無正條應比照偽造諸衙門印

信及夜巡銅牌律擬斬監候係旗人解部監候秋後處決奉

旨



